

Von allerhand Arzney/

Ist gut für die Dämpfe/ die auß dem Magen in das Haupt steigen/ darvon der fallend Siechtag kommet. Stärcket den Magen/ machet ein wolriechenden Mund.

Diesen Samen mit süßem Wein eingeben/ tödtet den Kindern die Würm. Aber der Saft mit Essig vermischer/ löschet S. Anthonius Fewr/ vnd alle hitzige Apostemen/ die Schön/ Rothflecht/ mit Wegerich vnd Lattich saft/ Syterklar vnd Rosenöl darunter gethan/ vnd übergelet/ heilet vnd vertreibet Geschwär.

Den Samen in Wasser gesotten vnd getruncken/ stopffet den Bauch/ über die Pestilenz gesetzt/ löschet vnd heilet sie.



Gelb Violen.

Dieser Violen Tugende ist hitzigen/ truncken machen/ vnd subtiliren/ gleichen den Nierzen Violen/ an ihrem geruch. Die in Wasser gesotten vnd getruncken/ treiben auß die ander Geburt/ todte Geburt. Aber Schwangere Frauen sollen von diesen Blumen nicht trincken/ dann in Kindsnöthen/ da fürdert's ihnen die Geburt/ bringet ihr

Get/ ihre Zeit/ Kühlet die erhitzigre Mutter.

Vnd mit Honig vermischer/ heilet das Mundwebe/
auch der Safft in die Augen gethan/ reiniget sie von
Flecken.

Gelb Violen Wasser.

Am Ende des Meyens distillier die Tolden/ vnd
Gipffel/ so sie zeitig seind / Das ist gut denen/ die sich
mit Venus übereilet haben/ Kräftiger die Leber/ Nies-
ren/ macht Frauen fruchtbar/ reinigt sie nach der Ges-
burt/ Stärcket sie/ vnd erwärmet das kalt Hirn/ das
Marck in den Beinen/ treibt alle kalte Sucht auß/ wels-
chem die Zung von dem Schlag lahm ist/ der trincke
es/ vnd schmiere die Seiten wol damit.

Blawe Merken Violen.



VERKEN
Violen
seind
kalter
vnd feuchter
natur/ im ersten
Grad kalt/ in
dem andern
feucht.

Ihr Eygens-
schafft ist die
innerliche Glied-
er des Linges
weydes zu kühl-
len vnd zu bes-
feuchrigen/ den
Schmerzen zu
benehmen/ Sie
stillen auch den
schmerzen des
K. Haupts